

左宗棠全集

第九册

K249. 06

(W) 1

9

0081338

左宗棠全集

第九册

奏稿
(九)



新疆维吾尔自治区图书馆 XT0-0081338

左文襄公奏稿卷四十六

起光緒元年乙亥正月訖四月

目錄

懇 恩添設化平川學額摺

七一六一

請將循化廳屬買吾等八族番民改隸洮州摺

七一六七

同治十三年以後軍需請作一年開報片

七一七一

敬陳愴痛下忱籲懇 節哀摺

七一七三

河州叛回首要各犯伏誅地方肅清摺

七一八三

覆陳移設糧臺轉運事宜摺

七一八九

前署貴德廳同知承順陣亡慘烈并全家殉難懇

恩破格

優卹摺

七二一五

覆陳海防塞防及關外勦撫糧運情形摺

七二二

遵旨密陳片

七二四

袁保恆覆商各條片

七二六

籌借洋款片

七二六

甘肅地方安靜懇恩舉行紀元鄉試摺

七二七

請將安肅五屬舉額隔科分別編號取申摺

七二八

桂錫楨馬隊撥歸金順節制片

七二八

懇 恩添設化平川學額摺

光緒元年正月十二日

奏爲籲懇

天恩添設化平川廳學額以廣教化其甯靈海城等廳縣學額應俟本屆考試後咨商學政妥議辦理恭摺仰祈

聖鑒事竊

臣

前奏設化平川直隸廳通判議設訓導一員添設學

額二名旋准部議學額例有一定不得輕議加增新設化平川廳所轄之地係由固原隆德華亭平涼四州縣內分出令援照佛平廳董志原縣丞成案會同學政在於固原等四州縣內酌量抽撥學額二名其應設廩增各額缺亦於該四州縣內抽撥廩生一名增生一名俟撥定後卽行咨部註冊比卽分別行知頃據平慶涇

固道平涼府詳稱據平涼縣閤學貢生何壽春等稟平涼縣學額一十二名承平之際應試童生常數百人每苦額滿近來縣境難民漸次復業安插回民又多均准入籍同棚合試原定學額本屬無多請免抽撥據固原直隸州知州廖溥明稟該州學額向係十五名今升直隸州學額照常新設化平川廳之地非由固原劃出請免抽撥據隆德縣申稱隆德原額祇有八名僅與莊浪鄉學等若再抽撥二名是縣學不得與鄉學一律見在應試人數漸增請免抽撥據華亭縣申稱閤學拔貢生徐迪等稟華亭歲科兩試僅取進文章一十六名轄境遼闊近時流亡復業絃誦不衰化平川地段由該縣劃出者雖多然該處子遺士人仍歸該縣考試請免

抽撥藩司崇保臬司楊重雅等覆查該管道府僉稱化平川廳創設之初平固并未分撥地畝隆德縣雖有分撥地畝不及十分之一其餘概由華亭劃出此次遵照部議抽撥學額應在華亭一屬分撥惟華亭學額僅止八名年來流亡漸復土著日多民之墾地占籍者亦復不少華亭民數日有增加學額似難減少況化平雖隸華界而見在安插者係陝西回民減該縣土著之學額加隔省安插之回民該道府所稱土民苦詞環顧尙非無因此化平川廳學額應請奏明免由華亭抽撥

敕部另議之原委也至改設之海城新設之平遠兩縣部議學額各五名應在固原會甯靈州靖遠各縣學內抽撥新設之甯靈廳

亦經會議酌請學額四名見尚未抽撥定案本年陝甘學政按試在卽爲期甚促而學額尙須酌議奏咨擬請飭各屬士子仍就向來應試原籍地方歸棚合考冊結卷面仍註明各廳縣字樣俟學政取進後再行指撥以歸簡易此後或應立爲定章或應籌請增額聽候會商學院奏咨辦理庶於部議有合試事亦期無誤具詳前來臣維部議學額不得另議加增原爲慎重試典簡拔真才起見茲各府州縣以所屬士紳請免抽撥據情轉稟蓋因甘省各屬學額向本無多一經抽撥更形其少未便壅遏致拂輿情見值試期已迫學額未能遽遵部議應如該司道詳稱暫照各屬舊有學額取進再行指撥俟學臣按試一周察悉各屬應試人數多少文

風優劣會商具奏請

旨惟新設化平川廳係安插陝回處所既難於陝額議抽復難於甘額議撥應請

旨俯准化平川廳另設學額二名以廣教化而順輿情庶

皇仁遠被殊俗同風於時務實有裨益如蒙

俞允學臣按試平涼屆時即可欽遵取進縱試期已過猶可查照

上屆辦法於按試完畢歸途調考亦不至誤除咨學臣查照外謹

據實陳奏伏乞

皇太后

皇上聖鑒訓示施行謹 奏

請將循化廳屬買吾等八族番民改隸洮州摺

光緒元年正月十二日

奏爲請將循化廳屬買吾等八族番民改隸洮州廳錢糧由洮州徵收分別奏咨立案恭摺具奏仰祈

聖鑒事竊維買吾奪麻那都郎凹直階羅博那札依多哈爾八族番民完納番貢錢糧向由循化廳徵收相沿已久據統領定西諸軍前福建布政使王德榜稟據八族番目等籲稱前此奉調剿賊殺傷回眾頗多積成仇隙若仍隸循化番民貢賦錢糧均須照舊赴廳城完納相距寫遠沿途經過回地慮其挾仇報復致起衅端請改隸就近地方以順輿情臣比飭蘭州府知府鐵珊前往督同狄道州洮州廳循化廳會勘擬議稟復旋據覆稱買吾等八族地

方距循化廳城三百一十五里山谷叢錯中間回民雜處向來氣類各別距狄道州雖止二百餘里而層巖疊嶂攀陟殊艱惟洮州廳治相距一百六十里向本番族所居改隸洮州廳官民皆便竊惟甘肅關內肅清回番各歸故土尙覺相安惟買吾等八族番眾舊隸循化一切貢賦差徭均須赴廳治供支完納地距廳治三百餘里有司殊苦照料難周此次買吾奪麻那都郎凹直階羅博那札依多哈爾八族番民又因近時隨同官軍防勦出力慮與回民挾仇肇衅雖屬過慮亦非無因該八族所居地址既與洮州廳近而洮州廳同知所轄番民爲多以之改隸洮州廳地近情聯自可相庇以安預彌釁隙而地方官政教易施撫字徵科可免曠誤洵

官民兩便之道與司道計議所見相同因飭查買吾八族番民每年應完循化廳錢糧一切自同治十三年起撥歸洮州廳徵收茲據司道會詳循化廳每年應徵屯番本色倉斗糧一千六十石三斗二升一合八勺今買吾等八族番民改隸洮州廳管轄其應納番貢本色倉斗糧一百四十八石自應由洮州廳徵收報撥其餘番貢本色糧九百一十二石三斗二升一合八勺屯番本色糧九十九石仍由循化廳照舊徵收造撥等情請奏咨立案前來臣覆核無異所有買吾等八族番民改隸洮州廳應納錢糧由洮州廳徵收緣由理合恭摺具奏伏祈

皇太后

皇上聖鑒敕部立案施行謹 奏

同治十三年以後軍需請作一年開報片

光緒元年正月十二日

再臣軍歷年餉需收支各款業將自同治五年由閩帶隊啟行起至十二年肅州克復截至年底止彙爲一案開具簡明清單奏報請銷同治十三年七月三十日欽奉

諭旨戶部知道單併發欽此嗣准戶部核覆請銷各款既係核實開陳應准照單支銷其自同治十三年正月以後軍需用款應照例章按半年奏報一次造具細冊送部以符定制等因并准兵部知照前來臣維部議軍需用款應查照例章按半年奏報一次造冊送部原爲核實支銷起見自應查照辦理惟臣軍每年收到各省協餉多牽前搭後支發款目又極繁鉅若照例章按半年奏報

一次俱多窒礙且甘肅艱苦情形甚於各省所支之款與例章多有未合而事在必需實不容稍涉拘泥致滋貽誤所有臣軍同治十三年正月以後軍需收支用款報銷應懇

天恩俯准不拘成例改作一年開單奏報一次以歸簡易而昭核實除咨部查照外謹附片具陳伏乞

聖鑒訓示施行謹 奏

軍機大臣奉

旨該部知道欽此

敬陳愴痛下忱顙懇

節哀摺

光緒元年正月十三日

奏爲敬陳愴痛下忱顙懇

節哀仰祈

聖鑒事竊

臣

接奉部咨痛悉同治十三年十二月初五日

大行皇帝龍馭上賓搶地呼天罔知所措當卽率同文武各員舉哀成服欽惟

大行皇帝臨御十又三載稟承

慈訓綏靖寰區

孝思之誠

武德之盛